

Nürnberg, 21. Oktober 1570

Von Joachim Camerarius d. Ä.

Druck: Camerarius, Epistolae S. 489f.

S. D. Versus quidam Graecus iubet εὐθυμον esse aliquem, οὐ τολμηρόν. Ego sanè mihi videor satis audacter me et aetate et valetudine hac et isto anni tempore in viam dedisse, suscepta in patriam profectione. Sed ita tulere res rationesqüe meae, vt faciendum iter istud esset. Atque modò Norimbergam venimus. Vbi me accessit illustris et nobilis adolescens Gallicae gentis, qui apud nos Lipsiae cum laude vixit, et cùm hanc vrbem vidisset, indicauit mihi, se cupiditati sua, videndi Augustam quoque vestram, decreuisse indulgere, petijtqüe à me, vt ad aliquem mihi ibi notum litteras ipsi traderem preferendas, cuius studio operaqüe ὥσπερ ξεναγωγοῦ vti posset. Non fuit opus longa cogitatione, cùm te istic haberem, qui et posses satisfacere voluntati hospitis istius, et mea caussa ex animo velles. Qua propter has ad lucernam, cùm de equo paulo antè descendissem, exaraui. Sumqüe ei, cui illas dedi, de sedulitate officij pollicitus omnia. Scioqüe nostram expectationem nos non esse frustraturam. Conciliabis hunc Gallicum, quemadmodum iam loquuntur, Baronem etiam dignitate et humanitate praestanti D. Ioanni Hencelio, eumqüe salutabis officiosè verbis meis, et bene valebis. Vale. Norimbergae. D[ie] 21. M[ensis] Octobris. Anno 1570.